

ქ. თბილისი

24 თებერვალი 2015 წელი

ჩვენ, სსიპ „სსიპ სასწრაფო სამედიცინო დახმარების ცენტრი“ (ს/ნ 205307960), მისი დირექტორის მოვალეობის შემსტულებლის თეიმურაზ ხარაშვილის სახით (შემდგომში „შემსყიდველი“), ერთი მხრივ და შპს „პრიმა აუდიტი“ (ს/ნ 206.309.582) მისი დირექტორის ლაშა მანიას სახით (შემდგომში „მიმწოდებელი“) მეორე მხრივ, (შემდგომში მხარეებმა) ვთანხმდებით, რომ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად, მხარეთა შორის მიღწეული ვდებთ წინამდებარე ხელშეკრულებას შემდგომში:

1. ხელშეკრულების საგანი

- 1.1 მიმწოდებელი განახორციელებს სსიპ „სასწრაფო სამედიცინო დახმარების ცენტრი“-ს 2014 წლის ფინანსური ანგარიშგების (ბალანსისა და მისი დანართების) აუდიტს, რომელიც მოიცავს აგრეთვე სსიპ-ის მიერ 2014 წელს განხორციელებული სახელმწიფო შესყიდვებისა შესაბამისი კანონმდებლობის დაცვის საკითხებზე აუდიტორულ შემოწმებას (CPV79200000 საბუღალტრო, აუდიტორული და ფისკალური მომსახურებები);

2. მომსახურების გაწევის პირობები და მხარეთა ვალდებულებები

- 2.1 მხარეები მოქმედებენ ამ ხელშეკრულების, საქართველოს კანონმდებლობის, აუდიტის სტანდარტებისა და ეთიკური პრინციპების შესაბამისად (ობიექტურობა, დამოუკიდებლობა, პროფესიული კომპეტენტურობა, პატიოსნება, კეთილსინდისიერება და კონფიდენციალურობა).

2.2 შემსყიდველი:

- აცხადებს, რომ შექმნის ამ ხელშეკრულებით გათვალისწინებული მომსახურების გაწევისათვის აუცილებელი პირობები და არ არის მოსალოდნელი შეფერხებები მომსახურების გაწევის მთელი პერიოდის განმავლობაში;
- უზრუნველყოფს მომსახურების გაწევის პროცესში მომსახურებისათვის აუცილებელი სსიპ-ის 2014 წლის პერიოდის საქმიანობის ამსახველ, საქმიანობის მაიდენტიფიცირებელ და ფაქტების დამადასტურებელ დოკუმენტებთან, კომპიუტერულ პროგრამებთან და ყველა მოთხოვნილ პირველად დოკუმენტებთან, მონაცემთა ელექტრონულ ბაზებთან წვდომას და აუდიტორისათვის (აუდიტორთა ასისტენტებისათვის) მათ დროულად წარდგენას;

2.3 შემსყიდველის მენეჯმენტი ვალდებულია:

- უზრუნველყოს ხელშეკრულების 2.2 მუხლით შემსყიდველის მიერ გაცხადებული ვალდებულებების შესრულება;
- აანაზღაუროს მომსახურების ღირებულება ხელშეკრულებით გათვალისწინებული პირობებით;
- მისცეს შესაძლებლობა აუდიტორული კომპანიის აუდიტორებს თავისუფლად გამოხატონ პროფესიული აზრი;
- მიიღოს ზომები რათა სსიპ-ის მენეჯმენტმა ხელი შეუწყონ აუდიტორსა და მის ასისტენტს პროფესიული საქმიანობის განხორციელებაში, რომელიც გულისხმობს სსიპ-ის საფინანსო-სამეურნეო საქმიანობასთან დაკავშირებული ყველა დოკუმენტსა

და ინფორმაციაზე (მათ შორის ელექტრონულ მატარებლებზე-კომპიუტერულ პროგრამებში არსებული) სრულ ხელმისაწვდომობას, მომსახურების გაწევისათვის საჭირო ოფისის გამოყოფას და სხვა პირობებს;

2.4 მიმწოდებელი ვალდებულია

- განახორციელოს აუდიტორული მომსახურება საქართველოს კანონმდებლობის მოთხოვნების შესაბამისად; დაიცვას აუდიტის ეთიკის კოდექსი;
- მიმწოდებელს არ ეკისრება პასუხისმგებლობა იმ ინფორმაციის სისწორეზე, სისრულეზე, სიზუსტესა და აქტუალობაზე, რომელსაც შემსყიდველი აწვდის მიმწოდებელს წინამდებარე ხელშეკრულების საგნის შესაბამისად მომსახურების გასაწევად;
- მიმწოდებელს არ შეუძლია წინამდებარე ხელშეკრულებით გათვალისწინებული თავისი უფლებები (მთლიანად ან ნაწილობრივ) შემსყიდველთან შეუთანხმებლად გადასცეს მესამე პირებს;
- მიმწოდებელი უფლებამოსილია შექმნას შემსყიდველის დოკუმენტების ქსეროასლები და შეინახოს ისინი;
- კანონით დაშვებულ ფარგლებში, მიმწოდებელი არ არის პასუხისმგებელი შემსყიდველის წინაშე ნებისმიერი ზარალის ან დანაკლისისათვის, რომელიც შეიძლება მიადგეს შემსყიდველის ინფორმაციის დამახინჯების, ინფორმაციის დაფარვის შედეგად, რომელსაც არსებითი მნიშვნელობა ქონდა მომსახურების გაწევის თვალსაზრისით;
- მიმწოდებელი ვერ აგებს პასუხს იმ დოკუმენტების გავლენის შედეგებზე, რომელიც ვერ იქნება მოძიებული ან არ იქნება წარმოდგენილი შემსყიდველის მიერ;
- მიმწოდებელი თავისუფალია მომსახურების გაწევის გეგმის, პროგრამის, მასშტაბების შემუშავებაში, სამუშაო ობიექტის (ადგილის) შერჩევაში;
- მომსახურების გაწევისათვის მონაწილეთა შერჩევაში იხელმძღვანელოს გონივრულობის ფარგლებში, იგი უფლებამოსილია დამოუკიდებლად შეარჩიოს აუდიტორი (მისი ასისტენტი), აუცილებლობისა და საჭიროების შემთხვევაში კი შეცვალოს ისინი;

3. მომსახურების ხარისხი და მზარეთა პასუხისმგებლობა:

- 3.1 არანაირი რეკომენდაციები (მათ შორის ზეპირი ფორმით), რომლებიც გაიცემა მიმწოდებლის მიერ წინამდებარე ხელშეკრულების საგნის ფარგლებში, შემსყიდველმა არ უნდა გამოიყენოს ანალოგიური სხვა სახის საკითხებთან მიმართებაში;
- 3.2 მიმწოდებელი არ კისრულობს არანაირ პასუხისმგებლობას იმ ნებისმიერი ოპერაციების შედეგებზე, რომლებიც შესაძლოა მომავალში განახორციელოს შემსყიდველმა, ასევე მომავალ ცვლილებებზე კანონმდებლობაში;
- 3.3 მიმწოდებელს შეუძლია გამოხატოს პროფესიული მოსაზრება სსიპ-ის ხელმძღვანელობის მიერ მომზადებულ და წარდგენილ ინფორმაციაზე;
- 3.4 გაწეული აუდიტორული მომსახურება არ ათავისუფლებს შემსყიდველს მოქმედი კანონმდებლობით გათვალისწინებული პასუხისმგებლობისაგან;

4. მომსახურების გაწევის ვადები:

- 4.1 ხელშეკრულების საგანით გათვალისწინებული მომსახურება განხორციელდება ხელშეკრულებაზე ხელმოწერიდან 2015 წლის 28 მარტამდე. შესაძლებელია მომსახურების დამთავრება მითითებულ ვადაზე ადრე;

- 4.2 მომსახურების გაწევის ვადები მითითებულია იმ პირობით, რომ მიმწოდებელს დროულად და საჭირო ფორმით სრულად მიეწოდება აუცილებელი ინფორმაცია და დოკუმენტაცია;
- 4.3 ხელშეკრულებით გათვალისწინებული მომსახურების გაწევის ვადის დარღვევისათვის (თუ ასეთი არ იქნება გამოწვეული მიმწოდებლის მიერ შექმნილი შეფერხებებით) მიმწოდებელი პირგასამტეხლოს სახით გადაიხდის სახელშეკრულებო ღირებულების 0,1%-ს ყოველ ვადაგადაცილებულ დღეზე.

5. მომსახურების ღირებულება და ანაზღაურების პირობები:

- 5.1 ამ ხელშეკრულების საგნით განსაზღვრული მომსახურების საერთო ღირებულება შეადგენს 4950 (ოთხი ათას ცხრაასორმოცდაათ) ლარს (ყველა გადასახადის გათვალისწინებით);
- 5.2 მხარეები თანხმდებიან, რომ აღნიშნული მომსახურების საფასური, მათი ჩარიცხვა არ არის დაკავშირებული აუდიტორული მომსახურების გაწევის შედეგად გამოცემული აუდიტორული დასკვნის შედეგზე, გაკეთებული შეფასებებისა და დასკვნების ხასიათზე;
- 5.3 მომსახურების ანაზღაურების საფუძველს წარმოადგენს ორივე მხარის მიერ ხელმოწერილი მიღება-ჩაბარების აქტი, რომლის საფუძველს წარმოადგენს მიმწოდებლის მიერ გამოცემული აუდიტორული დასკვნა. მიმწოდებლის მიერ შესრულებული მომსახურების ანაზღაურება განხორციელდება აუდიტორული დასკვნის გამოცემიდან 5 სამუშაო დღის განმავლობაში

6. კონფიდენციალურობა

- 6.1 მიმწოდებელი იღებს ვალდებულებას დაიცვას წინამდებარე ხელშეკრულებით გათვალისწინებული სამუშაოს მიმდინარეობისას შემსყიდველისაგან ან სხვა წყაროსგან მიღებული კომერციული, სამუშაო, ფინანსური და სხვა პროფესიული ინფორმაციის კონფიდენციალურობა;
- 6.2 შემსყიდველი იღებს ვალდებულებას დაიცვას კონფიდენციალურობა აუდიტორის მიერ გამოყენებულ მეთოდისათან (მათ შორის ალგორითმებთან), ასევე მათი გამოყენებით მიღებულ შედეგებთან მიმართებაში;

7. ფორს-მაჟორი:

- 7.1 მხარეებს არ ეკისრებათ პასუხისმგებლობა საკუთარი ვალდებულებების შეუსრულებლობისათვის ისეთი გარემოებების შემთხვევაში, რომელთა გათვალისწინება და თავის არიდებაც მათ არ შეეძლოთ, როგორცაა სტიქიური უბედურება (წყალდიდობა, ხანძარი, მიწისძვრა და ა.შ.), ასევე საქართველოს ოფიციალური ორგანოების მიერ ისეთი ნორმატიული და საკანონმდებლო აქტების მიღება, რომლებიც მნიშვნელოვნად ართულებენ, ზღუდავენ ან კრძალავენ წინამდებარე ხელშეკრულებით გათვალისწინებული მომსახურების გაწევას;
- 7.2 მხარეები იღებენ ვალდებულებას დაუყოვნებლივ აცნობონ ერთმანეთს ზემოჩამოთვლილი გარემოებების დადგომის შესახებ; მითითებული გარემოებების დადგომის შემთხვევაში მხარეებს შეუძლიათ შეაჩერონ წინამდებარე ხელშეკრულების მოქმედება ან ვადამდე გააუქმონ წინამდებარე ხელშეკრულება.

8. დავის გადაწყვეტა

- 8.1 მხარეები იღებენ ვალდებულებას დროულად მიაწოდონ ერთმანეთს იმ სირთულეების შესახებ ინფორმაცია, რომლებიც დაბრკოლებას უქმნის მომსახურების დადგენილ ვადებში გაწევას;
- 8.2 ნებისმიერი დავა და უთანხმოება, რომლებიც შესაძლოა წარმოიშვას წინამდებარე ხელშეკრულების შესრულების მიმდინარეობისას, ექვემდებარება მხარეების უფლებამოსილ წარმომადგენელთა შორის მოლაპარაკების გზით გადაწყვეტას;

- 8.3 დავის მოლაპარაკების გზით გადაწყვეტის შეუძლებლობის შემთხვევაში, ის ექვემდებარება განხილვას საქართველოს კანონმდებლობით დადგენილი წესით;

9. ხელშეკრულების მოქმედება

- 9.1 წინამდებარე ხელშეკრულება შედის ძალაში მხარეების მიერ მისი ხელმოწერის თარიღიდან და მოქმედებს მათ მიერ აღებული ვალდებულებების სრულ შესრულებიდან 30 კალენდარული დღის განმავლობაში;
- 9.2 მხარეებს უფლება აქვთ, ორმხრივი წერილობით გამოხატული შეთანხმებით, გააუქმონ წინამდებარე ხელშეკრულება, თუ მისი შესრულება ცნობილი იქნება არამიზანშეწონილად.

10. სხვა პირობები

- 10.1 წინამდებარე ხელშეკრულებაზე ხელმოწერის შემდეგ მხარეთა შორის ყველა ადრე არსებული მოლაპარაკება და მიმოწერა კარგავს იურიდიულ ძალას;
- 10.2 წინამდებარე ხელშეკრულებაში ყველა შესწორება ან დამატება, ძალაშია მხოლოდ იმ შემთხვევაში, თუ ისინი შესრულებულია წერილობითი ფორმით და ხელმოწერილია უფლებამოსილი პირების მიერ;
- 10.3 ყველა იმ საკითხთან მიმართებაში, რომელსაც არ არეგულირებს წინამდებარე ხელშეკრულება, მხარეები ხელმძღვანელობენ საქართველოს მოქმედი კანონმდებლობითა და აუდიტის სტანდარტებით;
- 10.4 წინამდებარე ხელშეკრულება შედგენილია სამ ეგზემპლარად, ორი ეგზემპლარი რჩება შემსყიდველს, ხოლო ერთი გადაეცემა მიმწოდებელს და მათ გააჩნიათ თანაბარზომიერი იურიდიული ძალა;
- 10.5 ამ ხელშეკრულების საგნის შესაბამისად მომსახურების პროცესში ან მისი გაწევის შემდეგ შემსყიდველის მხრიდან დამატებით წარმოშობილი მომსახურების სახეებზე დგება დამატებითი ხელშეკრულება;
- 10.6 აუდიტორული მომსახურების მთელი პერიოდის განმავლობაში და მის შემდგომაც, ინფორმაციის (მათ შორის წერილების) გაცვლა, გაგზავნა, წარდგენა შემსყიდველსა და მიმწოდებელს შორის ხორციელდება როგორც ელექტრონულად, ისე კურიერის მეშვეობით ან პირადი ვიზიტებით;
- 10.7 ხელშეკრულების 5.1 მუხლში აღნიშნული თანხების შეთანხმებულ ვადებში გადაუხდელობა იწვევს შემსყიდველის საჯარიმო თანხის გადახდის ვალდებულებას გადაუხდელი თანხის 0.05 %-ის ოდენობით თითოეულ ვადაგადაცილებულ სამუშაო დღეზე;
- 10.8 მიმწოდებელი არ იღებს პასუხისმგებლობას შემსყიდველის მიერ რეკომენდაციების შეუსრულებლობის ან არაჯეროვნად შესრულების შედეგებზე;

მხარეთა რეკვიზიტები:

შემსყიდველი:

სსიპ „სასწრაფო სამედიცინო დახმარების ცენტრი“
ს/კ 205307960

იურიდიული მის.: ქ. თბილისი, ავ. წერეთლის #144
ფიზიკური მის.: ქ. თბილისი, პეკინის ქ. 28

ბანკის ერთიანი ანგარიში:

ბანკის კოდი - TRESGE22

შიდა ანგარიში - 200122900

სახაზინო კოდი - 35 01 08

დირექტორის მ.შ.

თეიმურაზ ხარაშვილი



მიმწოდებელი:

შპს „პრიმა აუდიტი“
ს/კ 206 309 582

თბილისი, ჯავახეთის ქ.მე-3 კორპ.ბ 10

საბანკო რეკვიზიტები:

სს „თიბისი ბანკი“

ბანკის კოდი: TBCBGE 22

ა/ა N GE97TB7030936080100004

დირექტორი

ლაშა მანია

